

Ardal Ni 2035

Canlyniadau Ymarferiad Ymgysylltu Cyhoeddus (Chwefror – Mehefin 2022)

Bro Llew a Nantlle.



1 Cyflwyniad

- 1.1 Bwriad prosiect Ardal Ni 2035 ydi cynnal sgwrs a thrafod gyda chymunedau lleol er mwyn adnabod beth sy'n bwysig i drigolion a sut yr hoffent weld eu hardal yn datblygu dros y 10-15 mlynedd nesaf.
- 1.2 Ein bwriad yw cyd-weithio a chyd-ddatblygu datrysiadau gyda sefydliadau, grwpiau ac unigolion. Ar ddiwedd y prosiect bydd 13 cynllun adfywio penodol yn cael eu creu a fydd adlewyrchu blaenoriaethau a dyheadau cymunedau lleol.
- 1.3 Fel cam cyntaf i'r gwaith, cynhaliwyd sgysiau gyda Chynghorwyr, Cynghorau Cymuned a Thref a grwpiau adfywio lleol er mwyn sefydlu:
 - **Beth sy'n dda** am yr ardal?
 - **Beth sydd ddim mor dda** am yr ardal?
 - **Pa newidiadau fysech chi'n dymuno eu gweld yn digwydd yn eich ardal** yn ystod y 15 mlynedd nesaf, fysa'n gwneud eich ardal yn well lle i fyw ynddi?
- 1.4 Fe wnaeth **15** o Gynghorau Cymuned/Tref, mudiadau, grwpiau ac Aelodau Lleol ym Mro Llew a Nantlle gyflwyno eu syniadau ynglŷn â beth ddylai fod yn flaenoriaethau lleol ar gyfer yr ardal yn y cyfnod hyd at 2035. Defnyddiwyd yr ymatebion yma fel sail ar gyfer yr ail-gam o ymgysylltu ehangach gyda'r cyhoedd.
- 1.5 Ym mis Chwefror 2022 fe lansiodd ymarferiad ymgysylltu cyhoeddus ar gyfer pob un o'r 13 ardal/dalgylch, gyda gwahoddiad i bobl leol gyfrannu i'r gwaith o siapia prosiect Ardal Ni 2035 drwy lenwi holiadur syml ar-lein neu ar bapur.
- 1.6 Er mwyn annog cymaint o bobl â phosib i gymryd rhan, trefnwyd ymgyrch ymgysylltu cynhwysfawr a oedd yn cynnwys:
 - Datganiadau i'r wasg ac eitem ar y radio;
 - Hysbysebion yn y papurau Bro;
 - Taflenni gwybodaeth;
 - Negeseuon drwy'r cyfryngau cymdeithasol;
 - Negeseuon amlwg ar dudalen gartref gwefan y Cyngor;
 - Mynychu digwyddiad Balchder Gogledd Cymru ym Mangor.

1.7 Yn ogystal, trefnwyd cyfres o ymweliadau a chyfarfodydd wyneb yn wyneb i glywed lleisiau grwpiau ac unigolion nad yw'r Cyngor wedi clywed (rhyw lawer) ganddynt yn hanesyddol. Roedd rhain yn cynnwys:


- GISDA Blaenau Ffestiniog – Sesiwn drafod gyda'r criw Bwrdd Pobl Ifanc a sesiwn drafod gydag aelodau o Glwb LHDT+ GISDA.
- GISDA Caernarfon - Sesiwn drafod gydag aelodau o Glwb LHDT+ GISDA.
- GISDA Pwllheli - Sesiwn drafod gydag aelodau o Glwb LHDT+ GISDA.
- Dementia Actif Gwynedd, Y Bermo – Sesiwn drafod ar ôl yr ymarfer cadw'n heini.
- Dementia Actif Gwynedd, Dolgellau - Sesiwn drafod ar ôl yr ymarfer cadw'n heini.
- Dementia Actif – Sesiwn drafod ar ôl chwarae Boccia yn Nhafarn yr Heliwr yn Nefyn.
- Dementia Actif, Caernarfon - Sesiwn drafod ar ôl yr ymarfer cadw'n heini.

2 Trosolwg Sirol

3,776 o unigolion ar draws Gwynedd wedi manteisio ar y cyfle i ddweud eu dweud:



- **3,675** o'r rhain wedi cwblhau'r holiadur ar-lein.
- **10** wedi cwblhau'r holiadur papur a oedd ar gael yn y llyfrgelloedd, siopau Gwynedd neu drwy gyflwyno cais dros y ffôn.
- **6** wedi cwblhau'r fersiwn 'Hawdd ei Ddarllen' o'r holiadur.
- **85** o bobl wedi mynychu sesiynau wyneb yn wyneb ar gyfer **pobl ifanc, pobl ifanc LHDT+, pobl hŷn a phobl sy'n byw gyda dementia.**

2.1 Nifer o ymatebwyr fesul ardal*




*Ar gyfer yr holiadur ar-lein a phapur.


2.2 Trosolwg o'r Ymatebwyr i'r Arolwg Cyhoeddus ar gyfer Gwynedd.




YDYCH CHI'N DEALL, SIARAD, DARLLEN A/NEU'N YSGRIFENNU'N GYMRAEG?




CENEDLIGRWYDD NEU HUNANIAETH GENEDLAETHOL?




BETH YW EICH HIL?




BETH YW EICH CREFYDD?



PA UN O'R RHAIN SY'N EICH DISGRIFIO CHI ORAU?



YDI EICH HUNANIAETH RHYWEDD WEDI NEWIDO'R HYN A BENNWDYD ADEG EICH GENI?





A YDYCH CHI'N YSTYRIED EICH HUN YN BERSON ANABL?




3 Canlyniadau Bro Lleu a Nantlle

3.1 Trosolwg o'r Ymatebwr i'r Arolwg Cyhoeddus ar gyfer Bro Lleu a Nantlle.


3.2 Derbyniwyd **211** o ymatebion i'r Holiadur Ardal Ni 2035 ar gyfer Bro Lleu a Nantlle.





YDYCH CHI'N DEALL, SIARAD, DARLLEN A/NEU'N YSGRIFENNU'N GYMRAEG?




CENEDLIGRWYDD NEU HUNANIAETH GENEDLAETHOL?







PA UN O'R RHAIN SY'N EICH DISGRIFIO CHI ORAU?



YDI EICH HUNANIAETH RHYWEDD WEDI NEWID O'R HYN A BENNMYD ADEG EICH GENI?



A YDYCH CHI'N YSTYRIED EICH HUN YN BERSON ANABL?



4 Nifer o ymatebwyr fesul tref neu bentref ym Mro Llew a Nantlle.

4.1 Mae'r tabl isod yn dangos y nifer o ymatebwyr fesul tref neu bentref ym Mro Llew a Nantlle.

Tref/Pentref	Nifer o ymatebwyr
• Penygroes	41
• Groeslon	28
• Talysarn	26
• Llanllyfni	23
• Carmel	11
• Nantlle	11
• Pant Glas	10
• Llandwrog	10
• Clynog Fawr	8
• Rhosgadfan	8
• Pontllyfni	7
• Rhostryfan	7
• Nebo	6
• Fron	4
• Arall:	3
• Dinas (Llanwnda)	3
• Llanwnda	3
• Aberdesach	1
• Saron (Llanwnda)	1

5 Beth sy'n dda am Fro Lleu a Nantlle?

- 5.1 Mae'r tabl isod yn rhestru'r themâu a flaenoriaethwyd gan Gyngorau Cymuned / Tref, mudiadau, grwpiau ac Aelodau Lleol Bro Lleu a Nantlle. Fel rhan o'r ymarferiad ymgysylltu cyhoeddus, gwahoddwyd preswylwyr Bro Lleu a Nantlle i ddewis hyd at 5 thema yr oeddynt yn cytuno gyda fwyaf.

Beth sy'n dda am Fro Lleu a Nantlle?	Nifer o weithiau y blaenoriaethwyd y thema
<ul style="list-style-type: none">Yr amgylchedd naturiol ac hwylustod at fynyddoedd, lan y môr a chefn gwlad	171
<ul style="list-style-type: none">Yr iaith Gymraeg a'r diwylliant	122
<ul style="list-style-type: none">Treftadaeth a hanes yr ardal	99
<ul style="list-style-type: none">Mae'n ardal ddiogel	99
<ul style="list-style-type: none">Llwybrau cerdded a beicio yr ardal	95
<ul style="list-style-type: none">Datblygiad y Ganolfan Iechyd a Lles newydd sydd ar y gweill ym Mhenygroes	85
<ul style="list-style-type: none">Ysbryd a chyfeillgarwch cymunedol	81
<ul style="list-style-type: none">Cysylltiadau priffyrdd da	54
<ul style="list-style-type: none">Darpariaeth addysg ac ysgolion da	36
<ul style="list-style-type: none">Mudiadau, elusennau, mentrau a grwpiau gwirfoddol gweithgar yr ardal	32
<ul style="list-style-type: none">Cynnyrch, busnesau a siopau lleol yr ardal	23
<ul style="list-style-type: none">Gweithgareddau hamdden awyr agored	23
<ul style="list-style-type: none">Gallu'r ardal i ddenu twristiaeth er budd economaidd	19
<ul style="list-style-type: none">Y ffaith fod ystod o weithgareddau cymdeithasol yn cael eu cynnal yr ardal	9

- 5.2 Mewn ymateb i'r cwestiwn '**Nodwch unrhyw beth arall sy'n dda am yr ardal sydd heb ei restru uchod**', derbyniwyd **28** o sylwadau ychwanegol gan breswylwyr Bro Lleu a Nantlle. Roedd nifer o'r ymatebion ychwanegol yn cynnig sylwadau pellach am y themâu uchod e.e. Ysbryd a chyfeillgarwch cymunedol (n=7); yr amgylchedd naturiol (n=4); ardal diogel (n=2); ysgolion cynradd da y Fro (n=2).

O'r sylwadau a oedd yn nodi rhywbeth arall sydd ddim mor dda am yr ardal, y themâu mwyaf poblogaidd oedd:

Thema	Nifer o ymatebwyr ddaru nodi hyn
• Mentergarwch	2
• Prisiau tai rhesymol	2
• Capeli	2

5.3 Bydd yr holl sylwadau ychwanegol a dderbynwyr yn cael eu hystyried fel rhan o'r gwaith o ddatblygu'r cynlluniau ardal.

6 Beth sydd ddim mor dda am am Fro Lleu a Nantlle?

6.1 Mae'r tabl isod yn rhestru'r themâu a flaenoriaethwyd gan Gyngorau Cymuned / Tref, mudiadau, grwpiau ac Aelodau Lleol Bro Lleu a Nantlle. Fel rhan o'r ymarferiad ymgysylltu cyhoeddus, gwahodddwyd preswylwyr Bro Lleu a Nantlle i ddewis hyd at 5 thema yr oeddynt yn cytuno gyda fwyaf.

Beth sydd <u>ddim mor dda</u> am Fro Lleu a Nantlle?	Nifer o weithiau y blaenoriaethwyd y thema
• Diffyg tai addas a fforddiadwy i bobl leol eu prynu neu eu rhentu	89
• Diffyg swyddi cyflog uchel a llawn amser	89
• Sbwriel, blerwch ac edrychiad cyffredinol yr ardal yn broblem	81
• Mae'r rhwydwaith trafniadaeth gyhoeddus yr ardal yn annigonol	79
• Diffyg darpariaeth a gweithgareddau i bobl ifanc e.e. clwb ieuencid a man diogel i bobl ifanc ymgynnull	73
• Pryderon am ddarpariaeth iechyd, lles a gofal presennol yn yr ardal	72
• Mae tlodi a chostau byw uchel yn broblem yn yr ardal	70
• Mae'r economi leol yn fregus – diffyg adnoddau a siopau yn cau	68
• Nifer uchel o ail dai a thai haf yn yr ardal	57
• Effaith niweidiol toriadau i wasanaethau cyhoeddus ar yr ardal	49
• Pryderon am ddarpariaeth addysg a dyfodol ysgolion gwledig	41
• Ymddygiad gwrthgymdeithasol yn broblem yn yr ardal	32
• Mae band eang / cysylltiad we yn wael yn lleol	32
• Pryderon am gyflwr ffyrdd a thraffig	31
• Yr iaith Gymraeg a'r diwylliant yn colli tir	29
• Polisiâu tai a'r maes cynllunio gan gynnwys y Cynllun Datblygu Lleol	28
• Diffyg twristiaeth cynaliadwy yn yr ardal	21
• Diffyg awch yn lleol i gynnal gweithgareddau a denu pobl newydd i fod yn arwain cyngorau cymuned a grwpiau lleol	20
• Canfyddiad o ddiffyg cyd-weithio rhwng mudiadau a mentrau lleol	5

- 6.2 Mewn ymateb i'r cwestiwn '**Nodwch unrhyw beth arall sydd ddim mor dda am Bro Llew a Nantlle sydd heb ei restru uchod**', derbyniwyd **54** o sylwadau ychwanegol gan breswylwyr Fro Llew a Nantlle. Roedd nifer o'r ymatebion ychwanegol yn cynnig sylwadau pellach am y themâu uchod e.e. Materion ynghylch diffyg tai addas a fforddiadwy i bobl leol eu prynu neu eu rhentu ac hefyd pryderon am nifer uchel o dai haf (n=11); materion ynghylch ffyrdd, traffig a pharcio (n=6); pryderon ynghylch ddarpariaeth addysg (n=6); pryderon am ddarpariaeth iechyd, lles a gofal presennol yn yr ardal (n=5); mae'r rhwydwaith trafndiaeth gyhoeddus yr ardal yn annigonol (n=5); Diffyg darpariaeth a gweithgareddau i bobl ifanc (n=4).

O'r sylwadau a oedd yn nodi rhywbeth arall sydd ddim mor dda am yr ardal, y themâu mwyaf poblogaidd oedd:

Thema	Nifer o ymatebwyr ddaru nodi hyn
• Diffyg llwybrau diogel a chyflwr gwael rhai llwybrau cyhoeddus yn yr ardal.	5
• Canfyddiad o ddiffyg cydlynid cymunedol.	4
• Cyflwr ambell i gae chwarae yn yr ardal.	3

- 6.3 Bydd yr holl sylwadau ychwanegol a dderbynwyd yn cael eu hystyried fel rhan o'r gwaith o ddatblygu'r cynlluniau ardal.

7 Pa newidiadau fyddech chi'n dymuno eu gweld yn digwydd ym Mro Llew a Nantlle dros y 15 mlynedd nesaf fyddai'n gwneud yr ardal yn well lle i fyw ynddi?

7.1 Mae'r tabl isod yn rhestru'r themâu a flaenoriaethwyd gan Gynghorau Cymuned / Tref, mudiadau, grwpiau ac Aelodau Lleol Bro Llew a Nantlle. Fel rhan o'r ymarferiad ymgysylltu cyhoeddus, gwahoddwyd preswylwyr Bro Llew a Nantlle i ddewis hyd at 5 thema yr oeddynt yn cytuno gyda fwyaf.

Pa newidiadau fyddech chi'n dymuno eu gweld yn digwydd ym Mro Llew a Nantlle dros y 15 mlynedd nesaf fyddai'n gwneud yr ardal yn well lle i fyw ynddi?	Nifer o weithiau ddaru'r thema cael ei ddewis
• Cynlluniau i gryfhau adnoddau iechyd, gofal a llesiant yr ardal	99
• Cynlluniau i sicrhau tai addas a fforddiadwy i bobl leol eu prynu neu eu rhentu	98
• Cynlluniau i sicrhau gwaith a swyddi gwerth uchel yn lleol	92
• Mwy o gyfleusterau ar gyfer pobl ifanc yr ardal a chynlluniau i'w hannog i gymryd rhan gweithredol yn y gymuned drwy ymuno â phwyllgorau lleol ac ati	89
• Cynlluniau i daclo tlodi	78
• Ardal fwy gwyrdd – gwelliannau amgylcheddol, plannu coed, ynni adnewyddadwy, ardal di-blastig, pwyntiau gwefru a chynllun i sicrhau bod yr ardal yn barod i ymdopi a newid hinsawdd e.e llifogydd	77
• Deddfwriaeth a chynlluniau i gael gwell reolaeth ar dai haf ac ail gartrefi	68
• Cynlluniau i ddatblygu trafnidiaeth gyhoeddus hygyrch, integredig ac addas i anghenion lleol	66
• Mwy o gefnogaeth i fusnesau ffynnu'n lleol	62
• Uwchraddio is-adeiladaeth band eang	45
• Cynlluniau a chefnogaeth i weithgareddau sy'n hyrwyddo'r iaith Gymraeg a'r diwylliant ac sy'n cefnogi dysgwyr yr iaith	43
• Cynllun Twristiaeth Gynaliadwy effeithiol i gael gwell rheolaeth ar dwristiaeth a gwneud y mwyaf o'r potensial economaidd i bobl leol	43
• Gwelliannau o fewn y ddarpariaeth addysg	42
• Mwy o gyfleusterau hamdden a chwaraeon	31

<ul style="list-style-type: none"> Gwell cydweithio rhwng mudiadau, mentrau a chynghorau cymuned lleol a gwell cyfathrebu rhwng Cynghorau Cymuned yr ardal a Chyngor Gwynedd 	25
---	-----------

7.2 Mewn ymateb i'r cwestiwn **'Nodwch unrhyw beth yr ydych yn meddwl sydd wedi'i fethu uchod'**, derbyniwyd **29** o sylwadau ychwanegol gan breswylwyr Bro Llew a Nantlle. Roedd nifer o'r ymatebion ychwanegol yn cynnig sylwadau pellach am y themâu uchod e.e. Mwy o ddarpariaeth i bobl ifanc (n=4); Cynllun Twristiaeth Gynaliadwy effeithiol (n=2).

O'r sylwadau a oedd yn nodi rhywbeth arall am yr ardal, y themâu mwyaf poblogaidd oedd:

Thema	Nifer o ymatebwyr ddaru nodi hyn
<ul style="list-style-type: none"> Cynlluniau i daclo ymddygiad gwrth-gymdeithasol yn yr ardal. 	3
<ul style="list-style-type: none"> Cynlluniau i wella llwybrau a hawliau tramwy yn yr ardal. 	2

7.3 Bydd yr holl sylwadau ychwanegol a dderbynwyd yn cael eu hystyried fel rhan o'r gwaith o ddatblygu'r cynlluniau ardal.

8 Camau Nesaf

- 8.1 Yn ystod yr hydref, bydd yr holl adborth yr ydym wedi'i dderbyn gan breswylwyr a sefydliadau Bro Llew a Nantlle yn cael ei defnyddio mewn gweithdai gyda sefydliadau lleol fel rhan o waith i ddatblygu Cynllun Gweithredu Lleol.
- 8.2 Bwriad y Cynllun Gweithredu yw ymgorffori prosiectau a gweithgaredd ystod eang o sefydliadau sydd yn cyfrannu at adfywio a gwella ardal Bro Llew a Nantlle.
- 8.3 Fel rhan o'r Fframwaith Adfywio, bydd trefniadau ar gyfer monitro a chydlynu'r rhaglen waith yn cael eu sefydlu, gan ystyried strwythurau a trefniadau cydweithio presennol.
- 8.4 Mae'r amserlen ar gyfer camau nesaf o'r gwaith fel a ganlyn:
- Gweithdai gyda sefydliadau Lleol : Hydref / Tachwedd 2022
 - Cynlluniau Gweithredu Drafft yn cael eu paratoi : Mawrth 2023
 - Derbyn sylwadau neu ychwanegiadau i'r ddogfen ddrafft : Ebrill 2023
 - Cynllun Gweithredu diwygiedig : Ebrill / Mai 2023
 - Trefniadau Cyd-lynu a monitro yn weithredol : Mai 2023
- 8.4 Bydd gwybodaeth pellach am y cynlluniau hyn yn cael eu cyhoeddi ar safle we Cyngor Gwynedd (www.gwynedd.llyw.cymru)
- 8.5 Hoffem ddiolch yn fawr i bawb sydd wedi cymryd yr amser i roi eu barn ac i gyfrannu i'r gwaith o wella a chryfhau ein cymunedau.



UK Government Wales
Llywodraeth y DU Cymru

www.gwynedd.llyw.cymru | 01766 771000